

# Kopanelo magareng ga modumedi le monei wa dikgaugelo

## Thero mo Lefitiko 3

*Palo ya Beibele: Lefitiko 3*

*Temanathero: Lefitiko 3*

### **Tabataba: Sehlabelo sa go phuthegela se keteka kopanelo magareng ga modumedi le monei wa dikgaugelo**

Ke nyaka go thoma ka mehlala e mebedi. Wa mathomo ke wa dinako tša rena, wa bobedi o tšwa mo Beibeleng. Garere lesogana la mengwaga e ekabago a masome a mabedi, o amega mo kotsing. Taxi ye a bego a sepela ka yona, e dirile kotsi. Ka lebaka leo o ile a išwa bookelong. O kgonne go fenywa kotsi, le ga go le bjalo o be a na le dikgobalo. Kudu thata o be a na le mabetlelo ka mo mahlong. Matšatši ao a dutšego mo bookelong, o ile a lemoga bohlokwa bja bophelo bja gagwe. Ge a robetše mo bookelong, o ile a rapela Modimo: Modimo, ke a go tshepiša, ge o ka mpha gore ke boele ke bone gore ke kgone go dira mošomo wa ka, moo ke a tshepiša go ka phela bophelo bo bofsa. Le ga go le bjalo, lesogana le le lemogile gore go bonolo go tshepiša selo, empa ke selo se sengwe go ka se dira. Gomme ka lebaka le a ikana go Modimo.

Se sengwe gape seo se swanago le mohlala o wa bobedi. Kgale kgale go be go na le mosadi yo a bego a rata go ka ba le bana. Ge a fihla mo tempeleng, o ile a rapela Modimo ka thata: Modimo, ge o ka mpha ngwana, bjale nna... Ke a tshepa ba bangwe ba setše ba tseba mosadi wo. Ke nnete, e be e le Hannah, mosadi wa Elkanah, mmago Samuele. Mo tempeleng o ile a ikana go Modimo. Gomme re a tseba gore ka morago Modimo o kwele thapelo ya gagwe, gomme a mo nea ngwana: Samuele. Gape re tseba gore ka morago ga mengwaga e se mekae o boetše tempeleng go phethagatša maikano a gagwe. Re tlile go boela mo go history ye morago.

Mehlala e mebedi e ka nnete e bonagatša sehlabelo sa kopanelo gore se šupa eng. Sehlabelo se se ka bitšwa sehlabelo sa kagiso. Mo temaneng ya baHeberu re hwetša lentšu le *shalom*, le ke lentšu la baHeberu la kagiso. Mo Lefitiko 3 ditaelo ka mo sehlabelo se dirwago ka gona di boeletša makga a mararo, re lebeletše pholo, nku, le pudi. Mo dihlabele tše tharo tše re bona karolo yengwe ya phoofolo e bewa mo godimo ga aletare: makhura, dipsio, le bobolokelo bja dibete. Mo go karolo ya nku, go tlaleletša, le makhura a mosela.

A na ke eng se bohlokwa mo dikarolong tša phoofolo tšeo di swanetšego go fišwa mo aletareng? Lebaka le bonolo! Ke gobane karolo tše ke tše botse mo phoofolong! Mo matšatšing a lehono a setšo sa rena re be re ka se nagane ka mokgwa wo. Ga re bone makhura bjalo ka karolo e botse. Empa matšatšing ao e be e le karolo e botse ya phoofolo! Go akaretša le makhura a mosela. Ka nnete karolo ye e be e le e bose mo dithong tša nku. Dinageng tša bohlabatšatši go be go na le mephatho ya dinku tšeo di bego di na le mosela wa makhura tšeo di kalago dikilogramme tše šupa! Maikaelelo a se go be go lebeletšwe ditaelo tša gore karolo e botse ye phoofolo e swanetše go tlišwa go Modimo aletareng. Goreng? Go ipolela gore ke yena monei wa dikgaugelo!

Segolo sa sehlabelo se e be e le go kopanela goba ka bantsu a mangwe e be e le dijo. Motho o tla tempeleng a swere phoofolo ya gagwe. Gomme phoofolo e tla bolaiwa gomme gwa ketekwa dijo. Diyo tšeo Modimo, baperisita le batho bao ba tlišitšego phoofolo ba tšea karolo.

Bjale ntumelele ke botšiše potšišo: ke mang yo a bego a nea dijo? Go bjalo, ke Modimo, gobane go keteka ga dijo go be go le ngwakong wa gagwe – tabernakeleng goba ka tempeleng. Le ga e le gore ke motho yo a tlišitšego phoofolo mo tempeleng, o be a dira seo a laetša gore ka nnete phoofolo ye e tšwa go Modimo e sego yena, le gore yena o tlišitše seo Modimo a bego a mo adimile. Bjalo ka ge Psalme ya 50:10-14 e ipolela ka Modimo: 'Gobane phoofolo tšohle tša naga ke tša ka, le diruiwa tše di fulago dithabeng ka diketete. Dinonyana tšohle dithabeng ke a di tseba,

le diphedi tšohle tša lešoka ke tša ka. Ge nkabe ke ekwa tlala, nkabe ke sa botše wena, gobane legohle ke la ka le tše di tletšego go lona. A o re ke ja nama ya dipoo, ke nwa madi a diphoko? Ntšhetša Morena dibego tša tebogo, o phethe tše o di enetšego Yogodimodimo.'

Mo Lefitiko 7 re bala ka mehuta ya dihlabelo tša tebogo, go lebeletšwe lebaka la gore, goreng motho a tlisitše sehlabelo. Re bala ka sehlabelo sa tumišo, sehlabelo sa go ikana, le sehlabelo sa go ineela. Mehuta yohle ye ya tebogo goba dihlabelo tša tokafalo. Go dihlabelo tše di be di šupa bogolo bjo motho a bo bonego ka dikgaugelo tša Modimo.

Go na le ntlha yengwe yeo ke ratago go e bolela, sa bofelo, ka sehlabelo sa kopanelo. Le seo re se badilego mo Lefitiko 7:16-17 gore ga go selo go sehlabelo se seo se ka bewago go feta matšatši a mabedi. Se e be e se fela ka lebaka la boitekanelo; e be e le lebaka la gore monyanya o o swanetše go ba o mogolo. Gammogo le Modimo batho bao ba tlilego tempeleng, baperisita, ba swanetše go keteka ka lethabo! Ba swanetše go kwa gore Modimo ke o botše mo go bona! Ba be ba sa swanela go ka ba le dipelaelo tša ka moso. Ka letšatši le ba be ba swanetše go bona ka mo Modimo e lego e mobotse! Modimo o tla hlokomela tša ka moso. Tshepa yena, phela ka boikokobetšo tirelong ya gagwe! Gomme tšohle di tla sepela botse.

Amene.